

Malapa a Tumelo



SABATHA MANTSIBOEA

Bakeng sa thuto ea Beke ena, Bala:

Liketso 10:1-28, 34, 35; 1 Ba-Kor. 2:2; 1 Ba-Thes. 5:21, 22; Johanne 1:12, 13; 3:7; 1 Johanne 5:1.

Temana ea Khopolo:

“Joale he . . . re ke re mathe ka sebete peiso eo re e beetsoeng, re ntse re talimile Jesu, moqali le mophethi oa tumelo, ea mamellatseng sefapano ka baka la thabo eo a e beetsoeng, a sa kang a re letho ka lihlong, a ba a ea lula letsohong le letona la terone ea Molimo” (Ba-Heberu 12:1, 2).

Ha ho natshe hore na re mothating o fe oa bophelo, kapa na re fetile hará eng kapa na re tla tobana le eng tseleng, re phela hará moetlo. Batsoali ba rona, bana ba rona, mahae a rona, malapa a rona, le kereke ea rona—kaofela ba angoa ke moetlo oo re phelang ka hare ho oona, ‘me ka tsela e kholo le teng. Leha ho ne ho na le lintho tse ling tse nkang karolo tabeng ena, phetolo ea Sabatha ho ea ho Sontaha ke mohlala o matla oa kamoo moetlo oa ka nako eo, ka matla a maholo le hampe, o ileng oa susumetsa kereke. Nako eohle ha re feta kereke joale re bona letšoao la litšebeliso tsa Sontaha, re fuoa sehopotso se totobetse sa kamoo moetlo o ka fihlelang hole kateng. Malapa a Bokreste a tobana le liqholotso tsa moetlo nako eohle. Ka nako tse ling litšusumetso tsa moetlo li ka ba ntle; makhethlo a mangata, leha ho le joalo, tšusumetso ea oona ke e mpe. Litaba tse monate ke hore matla a evangeli a re fa leseli, khotatso, le matla a ho sebetsana le liqholotso tse tlišoang ke moetlo. Bekeng ena re tla talima kamoo re ka bang “malapa a tumelo,” ha re ntse re batlana le “ho ba bana ba Molimo ba se nang molato ba bile ba se na kotsi mahareng a moloko o fosahetseng hape o tsoileng tseleng, bao re lokelang ho khanya joalo ka maseli lefatšeng hará bona” (Ba-Fil. 2:15).

**Ithute thuto ea beke ena ho lokisetsa Sabatha sa la 15 Phuptjane.*

Le Tiise tse Molemo

Ha evangeli e potoloha le lefatše, Bakreste ba kopana le meetlo le litloaelo tse fapaneng, tseo bongata ba tsona li amanang le likamano tsa lelapa le tsa sechaba. E 'ngoe ea lipotso tse khoho bakeng sa baevangeli ba Bakreste ke ea hore na ba lokela ho ikamahanya joang le meetlo le litloaelo ka lintho tse ngata, tse kenyelletsang likamano tsa lelapa tseo ba utloang li etsa hore ba se ke ba phutholloha.

Bala Liketso 10:1–28, 34, 35. Re ka ithuta eng moo ka bohloki ba rona ba ho hlola makhalo a rona le lenyatso ha re sebetsana le meetlo e meng?

Lefu la Krete le ne le le sebakeng sa motho e mong le e mong, libakeng tsohle. Batho ba bangata ha ba so tsebe 'nete ena e bonolo. Ho tlisa litaba tsena ka memo ea hore ba arabele ke thomo ea boevangeli ea Bakreste. Hobane Molimo ha a na leeme, Bakreste ba biletsoa ho tsoara batho bohle ka hlomphe le botšephehi, ba ba fa monyetla oa ho amohela litaba tse molemo tseo ba li tliselitsoeng, le bona.

Baevangeli ba pele ba ile ba fihlela qeto e fe mabapi le ho fana ka evangeli meetlong e meng? Re ka fumana tšiea e fe litemaneng tsee? Liketso 15:19, 20, 28, 29; 1 Ba-Kor. 2:2; 1 Ba-Thes. 5:21, 22.

Leha moetlo o mong le o mong e le seipone sa boemo ba ho oa ba batho ba ka hare ho oona, meetlo e ntse e ka ba le litumelo tse lumellanang le Lengolo, tseo ebileng li ka bang bohlokoa tseleng ea evangeli. Boleng bo beiloeng holimá likamano tse atamelaneng tsa lelapa le sechaba likarolong tse ngata tsa lefatše ke mohlala. Bakreste ba ka tsoara ba ba ba matlafatsa se leng molemo 'me se lumellana le litsela tsa Bible. Ka nako e tsoanang, 'nete ea Molimo ha ea lokela ho beboloa. Nalane ea kereke ea bomalimabe e bontša hore ho bebola le ho amohela meetlo ho entse sethaala sa litumelo tsa Bokreste 'motoana li hlahella e ka ke tsa Bokreste ba 'nete. Satane o bolela hore ke molingoana oa lefatše lena 'me o jala pherekano ena ka thabo, empa Jesu o lopollotse lefatše lena, 'me Moea oa Hae o tataisetsa balateli ba Hae 'neteng eohle (Johanne 16:13).

Ke karolo e kae ea tumelo ea hau e boptjoang ke moetlo, 'me ke karolo e kae e boptjoang ke 'nete ea Bible? Ke joang o ka tsebang ho ba le temoho pakeng tsa tse peli tsee? Itokisetse ho buisana ka karabo ea hau sehlopheng.

Matla a Moetlo le Lelapa

“Ke tsoe ke mo tseba hore, o tla laela bana ba hae, le ntlo ea hae kamorá hae, hore ba boloke tsela ea Jehova, ba etse ka ho loka le ka tšoanelo, Jehova a be a hlalishetsa Abrahama seo a ‘maletseng sona” (Gen. 18:19).

Leha re ka ba ra hlaha ka kutloisiso tse fapaneng, malapa ke litene tse ahang sechaba; ka mokhoa o joalo, lintlha tse ngata tse hlakileng tsa meetlo e fapaneng li lohelletsoe le lelapa ka kotlolloho. Mohlala, moetlong o mong oa khale ho ne ho nkuoa e le boikarabello ba ntate ho ja litopo tsa batsoali ba hae ba shoeleng; ho o mong, monna ea neng a batla ho nyala moroetsana o ne a lokela ho tla le bohali ba lihlooho tse khaotsoeng tsa batho ba morabe oa ba lireng. Le mehleng ea joale, maikutlo a amanang le bana, ho ratana, tlhalo, lenyalo, batsoali, joalo joalo a fapana haholo. Ha re ntse re hasetsa meetlo ena e fapaneng molaetsa oa rona, re lokela ho ithuta ho amana le bona ka litsela tseo, leha re sa bebole tumelo ea rona, li sa bakeng mathata a sa hlokahaleng. Ka nako e tsoanang, re lokela ho tseba na ke litšusumetso li fe tsa moetlo tse amang malapa a rona.

Moetlo o ile oa ama lelapa ka litsela li fe mehlaleng e latelang? Re ka fumana tsela li fe tsa bophelo mehlaleng ee?

Gen. 16:1–3

Gen. 35:1–4

Esdrase 10

1 Marena 11:1

Ha ho le ea mong oa rona ea phelang moo ho se nang letho; kaofela ha rona le malapa a rona re angoa ke moetlo oa moo re phelang teng. Boikarabello ba rona re le Bakreste ke ho phela ka hare ho moetlo oa rona ka tsela eo re ka tsebang ho etsa joalo, re ntse re boloka se lumellanang le tumelo ea rona, ‘me re ntse re nena ka hohle kamoo re ka khonang, se khahlanong le cona.

**Ke lintho li fe moetlong oa heno ka kotlolloho tse molemo bophelong ba lelapa
Me li lumellana le Bible? Ke li fe tse sa lumellaneng? U ka amahanya tumelo ea
hau le moetlo oa heno joang ka tsela e tsoileng matsoho feela u sa bebole linnete
tsa bohlokoa?**

Ho Tšehetsa Malapa Nakong tsa Phetoho

Phetoho ke ketsahalo e ke keng ea qojoa e sisinyang malapa, ho sa natse hore na a moetlong o fe. Phetoho e 'ngoe e amana le ho nka leeto leo re ka le lepong selikalikoeng sa bophelo. Hangata phetoho ha e lepehe, joalo ka mafu, likoluoa, ntoa, bokulo, ho falla ha malapa, kapa ho hloleha ho tsa mesebetsi. Malapa a mangata a tobana le liphetoho tsa moruo le tsa likamano metseng le linaheng tsa bona. Lipheto ho tse ling li amana le moetlo ka kotloloho.

Ka tlase ke mehlala ea liphetoho tse ling tse kholo tseo batho ba kileng ba tobana le tsona tse neng li bile li tsitsipanya 'mele. Ka ho sebelisa monahano oa hau, ikenye lieteng tsa bona. Lipheto ho tse ling li ile tsa ama maphelo a malapa a bona joang? U no ka sebelisa eng hore u se imeloe? U ka be u ile oa itšoara ka tsela e fapaneng joang?

Abrahama, Sara, le Lota(Gen. 12:1–5)

Hadassa (Esthere 2:7–9)

Daniele, Hanania, Mishaele, le Asaria (Daniele 1)

Phetoho e tla le boiphihleho ba tahleho le khathatseho ea ho hloka bonnete ba bokamoso bo haufi. Ho latela bokhoni ba lelapa ba ho ikamahanya le liphetoho, maiphihleho ana a ka akofisa maemo a kholo a batho ba bang le kutloisiso ea lintho tsa semoea, kapa li ka lebisa khatellong ea maikutlo le khathatsehong. Satane o sebelisa tlheka-tlhekano e tlišoang ke phetoho, ka tšepo ea ho tlisa pelaelo le ho se tšepo Molimo. Litšepiso tsa Lentsoe la Molimo, matlotlo a lelapa le metsoalle, le tiisetso ea hore maphelo a bona a liatleng tsa Molimo li thusitse linatla tse ngata tsa tumelo ho jara maqhubu a bophelo ka katleho.

Haeba o tseba motho e mong (kapa mohlomong lelapa kaofela) ea tobaneng le phetoho e bohloko, etsa letho ho ba fa thuso le khotatso.

Ho Isa Tumelong ea Moloko oa Pele

Ho ile ha e-ba le tlokotsi e fe ea tumelo Israele kamorá hore Joshua le thaka tsa hae ba shoe? Baahl. 2:7–13.

Boithuto ba hore na setsing se kang kereke na makhabane le tumelo li fetisoa joang ho ea melokong e latelang li bontša hore bathehi ba na le boitelo ba boemo bo phahameng haholo tumelong eo. E bile bona ba e thommeng. Hará moloko kapa e ‘meli, ba bangata ba lahlehela ke pono ea litšiea tse neng li susumetsa makhabane ao. Ba ka ‘na ba tsoela pele le setsi, empa hangata e le setloaeli feela. Melokong e tlang kamorá eo, litloaelo li qetella li fetohile meetlo. Cheseho ea bathehi ha e sa le eo.

Ho ee ho thoe Molimo ha o na litlholohofatso, o na le bana feela. U nahana see se bolela eng? Sheba le Johanne 1:12, 13; 3:7; 1 Johanne 5:1.

Tsela e tloaelehileng ea ho fetisetsa makhabane melokong e melelele ea Bokreste esale e le ea hore ba baholo ba bolelle ba banyenyane seo ba se lumelang. Ho ithuta seo batsoali ba se lumelang kapa seo kereke e se lumelang ha se tumelo ea motho ka mong leha ho le joalo. Ho ba Mokreste ho fetisa feela ho ba karolo ea tlhophiseho e nang le nalane kapa lithuto tse hlophisitsoeng. Tumelo ea ‘nete ha se ntho eo motho a tsoaloang le eona, ha se ntho e fetang ka tlhaho ho tloha molokong o mong ho ea ho o mong. Motho ka mong e ka khona a itsebe Krete ka sebele sa hae. Batsoali ba ka etsa feela seo ba ka se khonang. Kereke kaofela ha eona, le batsoali ka kotloloho, ba lokela ho etsa sohle se matleng a bona ho etsa tikoloho eo ho eona bacha ba ka batlang ho etsa khetho e nepahetseng, empa qetellong, moloko oa bolokeha kapa o lahlehele evangeli ka motho ka mong.

Joe, ea tsoang moo a neng a sa lumele ho Molimo, o ile a ba setho sa Kereke ea Baleti ba Letsatsi la Bosupa e se e le motho e moholo kamorá boiphihlelo bo matla ba tšokoloho. O ile a nyala mosali oa Moleti ‘me a ba le bana ba se bakae. Ka letsatsi le leng ha a nahana ka boemo ba semoea ba bana ba hae, o ile a re, “O, hoja bana ba ka ba ne ba ka ba le maiphihlelo ao ke bileng le ona!” Haeba le ne le bile teng, o ne o ka re’ng ho eena?

Limathi tsa Mongoaha-Kholo oa 21

Bukeng ea hae e tloaelehileng e buang litaba tsa Bibehe, The Message, Eugene Peterson u sebelisa “molaetsa” hohle moo Bibehe e sebelisitseng lentsoe “evangeli.” Litaba tse molemo ka Jesu kannete e ntse e le molaetsa o hlokoang ke lefatše kajeno. Malapa a Bakreste a biletsoa ho ba le boiphihlelo ba oona hammoho le ho o arolelana le ba bang moetlong o fe kapa o fe oo ba phelang ka hare ho oona.

U ka akaretsa “molaetsa” joang u sebelisa litemana tse latelang? Matt. 28:5–7; Johanne 3:16; Ba-Roma 1:16, 17; 1 Ba-Kor. 2:2; 2 Ba-Kor. 5:18–21.

Litaba tsa pele-pele tseo barutuoa ba neng ba matha hohle ka tsona e ne e le tsa tsoho ea Jesu. Malapa a Bakreste kajeno a ikopanya le mola o molelele oa limathi tse phatlalatsang “‘O tsohile bafung ,’” a rialo (Matt. 28:7). Taba ea tsoho ea Jesu e etsa hore ntho e ‘ngoe le e ‘ngoe eo a e buileng ka Eena, ka Molimo le ka lerato la Hae ho baetsalibe, ka tsoarelo, le ka tiisetso ea bophelo bo sa feleng ka ho lumela ho Eena, li be le lebaka la ho tšepjoa hore ke ‘nete. Cheseho ea evangeli. Lengolo le fana ka pontšo ea matla a fielang a evangeli maphelong a balateli ba pele ba Jesu. Ba ne bula mahae a bona bakeng sa boithuto ba Bibehe; ba ne ba rapela le ho ja hammoho, ba arolelana chelete le maruo, ‘me ba hlokomelana. Malapa kaofela a ne a amohela molaetsa. Na e la ba e se e ba batho ba se nang liphoso hang hang? Che. Na ho ne ho na le likhohlano le ho se utloane hará bona? E. empa balateli bana ba Krete ba ne ba fapane ka tsela e itseng. Ba ne a ananela bohloki ba bona ba Molimo le ho hlokana e le batho. Ba ne ba behelletse bonngoe le kutloano kapele hae le kerekeng, ba leka ho phethahatsa thapelo ea Jesu Gethesemane (Johanne 17:20–23). Ba ne ba pakelana le ho pakela ba sa lumelang ka sebete, hoo ba neng ba bile ba beha maphelo a bona tsietsing molemong oa tumelo ea bona. Ho lokela ho be joalo le ka rona. Le mengoaheng ea joale, oo ho se nang thahasello ea litaba tsa Molimo ka moo ho leng kateng, batho ba thabetseng ntho e ‘ngoe ba ntse ba mameloa. Moea o laba-labela ho tlatsa lipelo tsa batho ka cheseho ea evangeli. Ha litaba tse molemo li feela li e-ba molemo lipelong tsa rona joalo ka ha li le joalo Lentsoeng, ho arolelang ka tsona ho tla iketsahalla ‘me ha ho ka ke ha thibeha.

Ke liphetofo li fe tse ka ‘nang tsa lokela ho etsoa lelapeng la hau tse ka thusang hore le be mophatlalatsi ea molemo ho feta oa “molaetsa” oo re bilelitsong ho o hasa?

Khopolo e Eketsehileng:

Ellen G. White, “In the Court of Babylon,” maq. 479–490, ho *Prophets and Kings*; “Words of Caution,” maq. 324, 329; “No Respect of Persons With God,” maq. 330, 331, ho *Gospel Workers*; “Rejoicing in the Lord,” maq. 115–126, ho *Steps to Christ*. Molimo ha o ee ka tšobotsi. “Borapeli ba Krete bo phahamisetsa molumeli sebakeng se phahamileng ka ho fetisa sa mehopolole le liketso, feela ka nako e tšoanang e hlahisa leloko la botho e le ba ratoang ke Molimo ka ho tšoana, e le ba rekiloeng ka mali a Mora oa Hae. Maotong a Jesu, barui le bafumanehi, barutehi le ba sa rutehang, ba kopana hammoho, ho se mohopolo oa likarohano tsa maemo sechabeng kapa ho hlahella ka mahetla lefatšeng. Likarolo tsohle tsa lefatše lia lebaleha ha re talima ho Eena eo ea hlabiloeng ka lebaka la libe tsa rona. Boitatolo, ho se hlonchoe, kutloelo bohloko e se nang moeli ea eo ea neng a phahame ka ho fetisisa leholimo, li tlotlolla boikhohomoso ba botho, boiphahamiso, le lihlopha tsa maemo sechabeng. Borapeli bo hloekileng bo sa silafalang bo bonahatsa litšiea tsa bona tse tsoang leholimong ka ho tlisa bonngoeng bohle ba halaletsoang ke ‘nete. Bohle ba kopana e le meea e rekiloeng ka mali, e itšetlehileng ka ho tšoana ho Eena eo ea ba lopolletseng ho Molimo..” —Ellen G. White, *Gospel Workers*, leq. 330.

Lipotso tsa Puisano:

- 1. Le le sehlopha, buisanang ka likarabo tsa lona tsa boithuto ba Sontaha.**
- 2. Ke lintlha li fe tsa tsamaiso tseo re li fumanang qotsulong ea Ellen G. White e kaholimo eo, ha e ka sebelisoa, e ka fetolang malapa a rona ka botlalo?**
- 3. Kereke ea heno e sebelitse hantle ha kae tabeng ea ho otlala moloko o monyenyanane oa balumeli? Le le sehlopha le ka etsa joang ho thusa kereke mosebetsing oo oa bohlokoa?**
- 4. Liqholotso tsa ho leka ho fetisetsa tumelo ho moloko o mong ke li fe?**
- 5. Moetlo oo u phelang ka hare ho oona o ama lelapa la hau joang ka tsela e molemo, hape joang ka litsela tse mpe?**